



## Biografija

### **GORDANA TADIĆ – GLAVNA TUŽITELJICA TUŽILAŠTVA BiH**

Gordana Tadić je rođena 1962. godine u Živinicama, gdje je završila osnovnu školu i gimnaziju.

Diplomirala je na Pravnom fakultetu Univerziteta u Sarajevu 1985. godine, a pravosudni ispit je položila 1995. godine.

Od mjeseca augusta 1985. godine do sredine 1995. godine obavljala je pravne poslove u Rudniku mrkog uglja „Đurđevik“ u Đurđeviku.

Od sredine 1995. godine do početka 1998. godine radila je kao stručni saradnik, prvo u Općinskom sudu, a zatim u Općinskom tužilaštvu Živinice.

Od 1997. godine do 2003. godine obavljala je dužnost zamjenika općinskog tužioca u Živinicama i radila je na svim vrstama predmeta iz mjerodavnosti općinskog tužilaštva.

Dužnost tužioca Kantonalnog tužilaštva Tuzlanskog kantona obavljala je od 2003. do 2011. godine u Odjelu za privredni kriminal, korupciju i utaju poreza.

2012. godine je imenovana za zamjenika glavnog tužioca Kantonalnog tužilaštva Tuzlanskog kantona, u kojem periodu je rukovođila Odjelom za krvne i seksualne delikte i Općim odjelom.

Gordana Tadić je imenovana za tužioca Tužilaštva Bosne i Hercegovine Odlukom Visokog sudskog i tužilačkog vijeća (VSTV) Bosne i Hercegovine od 20.11.2013. godine.

Za zamjenika rukovodioca Posebnog odjela za ratne zločine Tužilaštva Bosne i Hercegovine i rukovodioca Odsjeka I imenovana je 19.02.2014. godine, od kada rukovodi Posebnim odjelom za ratne zločine u Tužilaštvu Bosne i Hercegovine.

Dana 07.07.2014. godine imenovana je za zamjenika glavnog tužioca Tužilaštva Bosne i Hercegovine, a zatim je 25.08.2014. godine imenovana za rukovodioca Posebnog odjela za ratne zločine.

**Dana 29.09.2016. godine, Odlukom Visokog sudskog i tužilačkog vijeća (VSTV) Bosne i Hercegovine imenovana je za vršiteljicu dužnosti glavnog tužioca Tužilaštva Bosne i Hercegovine, od kada rukovodi i predstavlja Tužilaštvo BiH.**

**Za glavnu tužiteljicu Tužilaštva BiH, odlukom Visokog sudskog i tužilačkog vijeća (VSTV) Bosne i Hercegovine, imenovana je 23.01.2019. godine.**

Od imenovanja u Tužilaštvo BiH, intenzivno je uključena u aktivnosti jačanja i poboljšanja domaće, regionalne i međunarodne saradnje između institucija i agencija za provođenje zakona, kao i sve aktivnosti koje se odnose na unapređenje rada na predmetima ratnih zločina, organiziranog kriminala, privrednog kriminala, korupcije, terorizma, kao i svih drugih predmeta iz mjerodavnosti Tužilaštva BiH.

Glavna tužiteljica Tužilaštva Bosne i Hercegovine rukovodi Udarnom grupom za borbu protiv terorizma i jačanja sposobnosti za borbu protiv terorizma, kao i Udarnom grupom za borbu protiv trgovine ljudima i organizirane ilegalne imigracije koje je osnovalo Vijeće ministara Bosne i Hercegovine.

Takođe, glavna tužiteljica Gordana Tadić je član sljedećih radnih tijela, udruženja i asocijacija:

- član Državnog komiteta sigurnosti civilnog zrakoplovstva Bosne i Hercegovine,
- član Radne grupe za izradu Strategije za borbu protiv organiziranog kriminala u Bosni i Hercegovini (2017-2020),
- član Upravnog odbora za projekat međunarodne saradnje krivičnog pravosuđa koji provodi GIZ: Mreža tužilaca Zapadnog Balkana,
- član stručnog tima za izradu Državne strategije za rad na predmetima ratnih zločina,
- član Tima za pregovore sa Međunarodnom komisijom za nestale osobe (ICMP),
- član Upravnog odbora projekta IPA 2017 - Borba protiv teškog kriminala na Zapadnom Balkanu koji provode GIZ, CILC i MUP Italije,
- član Upravnog odbora WINPRO II - regionalni projekat zaštite svjedoka,
- član Strateškog foruma rukovodilaca tužilaštava i policijskih tijela,
- član Radne grupe za ocjenjivanje usklađenosti propisa u BiH sa Varšavskom konvencijom,
- član Savjetodavne grupe tužilaca jugoistočne Evrope SEEPAG.
- član Upravnog odbora projekta EU4JUSTICE

Glavna tužiteljica Gordana Tadić je, od 1996. do 2016. godine, bila član Općinske izborne komisije Živinice i član Udruženja izbornih zvaničnika Bosne i Hercegovine.

Izlagala je stručne radove i prezentacije, te učestvovala na brojnim domaćim i međunarodnim konferencijama, od kojih između ostalih treba istaći:

- godišnju konferenciju UNDP-a u New Yorku koja je nosila naziv "Jačanje vladavine prava za održivi mir i razvoj",
- promociju knjige "Procesuiranje ratnih zločina seksualnog nasilja u sukobima" čiji su autori glavni tužilac pri MKSJ-u Serge Brammertz i zamjenica tužioca Michelle Jarvis,
- sastanak s predstavnicima Stalnog vijeća OSCE-a sa sjedištem u Beču,
- sastanke Stalne konferencije tužilaca za borbu protiv organizovanog kriminala,
- regionalnu konferenciju u Zagrebu posvećenu borbi protiv međunarodnog organiziranog kriminala na kojoj je prisustvovao i glavni državni tužilac SAD-a,
- sastanke Mreže tužilaca Zapadnog Balkana,

- sastanke Upravnog odbora projekta IPA 2017 – Borba protiv teških oblika kriminala na Zapadnom Balkanu,
- sastanak s visokom delegacijom Međunarodne operativne finansijske grupe (FATF) na kojem je prezentirala rad Tužilaštva BiH,
- konferenciju svih glavnih tužilaca uz izlaganje stručne prezentacije sa nazivom „Terorizam i uloga Tužiteljstva BiH u borbi protiv terorizma“
- Stručno savjetovanje tužilaca u Neumu 2019. godine, na kojem je kao rukovodilac Udarne grupe za borbu protiv trgovine ljudima i organizirane ilegalne imigracije, bila moderator u okviru sesije o borbi protiv ilegalnih migracija.

Za vrijeme obavljanja tužilačke funkcije, aktivni je sudionik brojnih edukacija iz različitih oblasti, od kojih navodimo sljedeće:

- „Uloga tužilaca/tužitelja: relacije sa policijom, žrtvama i svjedocima“, Federalno ministarstvo pravde, Udruženje tužilaca/tužitelja Federacije BiH, Američko udruženje pravnika/Pravna inicijativa za centralnu i istočnu Evropu, august 1997. godine,
- „Nova rješenja u krivičnom zakonodavstvu Federacije Bosne i Hercegovine“, Federalno ministarstvo pravde, Američko udruženje pravnika i Odjel pravosuđa američke Vlade, Tuzla, septembar 1999. godine,
- „Radni seminar edukacije sudija i tužilaca Bosne i Hercegovine o Evropskoj konvenciji o ljudskim pravima i njenoj primjeni u Bosni i Hercegovini“, Vijeće/Savjet Evrope, Bihać, travanj / april 2002. godine,
- Praktični seminar „Zakon o krivičnom postupku“, Ambasada Sjedinjenih Američkih Država, Američko ministarstvo pravosuđa i Centar za edukaciju sudija i tužilaca,
- „Istraživanje i krivično gonjenje finansijskog kriminala“, Ured za razvoj, pomoć i edukaciju tužilaštava u prekomorskim zemljama - Ministarstvo pravde SAD-a i Centar za edukaciju sudija i tužilaca Federacije, mart 2008. godine
- „Finansijske istrage“, Ministarstvo pravde SAD-a (ICITAP), decembar 2009. godine,
- „Poboljšanje borbe protiv korupcije“, Evropska unija (EUPM), novembar 2010. godine,
- „Poboljšanje borbe protiv korupcije“, Evropska unija (EUPM), maj 2011. godine,
- „Poboljšanje borbe protiv korupcije“, Evropska unija (EUPM), decembar 2011. godine,
- „Jačanje kapaciteta glavnih aktera u pružanju adekvatne pravne, psihosocijalne i zdravstvene pomoći, podrške, zaštite i zbrinjavanja stranaca žrtava trgovine ljudima u Bosni i Hercegovini“, Ministarstvo sigurnosti Bosne i Hercegovine, mart 2013. godine,
- „Uspješno zastupanje u sudskom postupku“, Ambasada SAD-a u Bosni i Hercegovini, juli 2014. godine,
- „Najbolje prakse i regionalna saradnja u istraživanju, procesuiranju i presuđivanju predmeta ratnih zločina“, Ambasada SAD-a u Crnoj Gori, Centar za edukaciju nosilaca pravosudnih funkcija Crne Gore, Bečići, Crna Gora, septembar 2014. godine,
- „Međunarodna pravna pomoć i ekstradicija“, Ambasada SAD-a u Bosni i Hercegovini, Sarajevo, mart 2015. godine,
- „Jačanje upravljanja javnim finansijama u Bosni i Hercegovini“, Ministarstvo finansija i trezora BiH i Evropska unija, Sarajevo, maj 2015. godine.

Glavna tužiteljica Gordana Tadić, u svojstvu predavača, moderatora i edukatora, sudjelovala je na brojnim domaćim, regionalnim i međunarodnim konferencijama, u organizaciji Razvojnog programa Ujedinjenih naroda (UNDP), Misije OSCE-a, EUROJUST-a, projekta IPA 2017 - Borba protiv teških kriminala na Zapadnom Balkanu i brojnim drugim aktivnostima.

Od imenovanja u Tužilaštvo BiH, glavna tužiteljica je bila sudionik i domaćin na više regionalnih sastanaka tužilaca za ratne zločine iz zemalja regiona, uz sudjelovanje glavnog tužioca pri MKSJ/MRMKS-u g. Sergeja Brammertza, te nastavlja davati svoj doprinos jačanju regionalne saradnje i borbi protiv nekažnjivosti ratnih zločina.

U okviru radnih aktivnosti, a u skladu sa otvorenošću Tužilaštva BiH za saradnju, glavna tužiteljica sastala se sa brojnim diplomatskim predstavnicima i zvaničnicima međunarodnih organizacija akreditiranih u Bosni i Hercegovini, a u cilju jačanja vladavine prava u Bosni i Hercegovini.